



BOSNIA AND HERZEGOVINA  
MINISTRY OF FOREIGN TRADE AND  
ECONOMIC RELATIONS

Broj: 09- 3-02-1560- 3 / 16  
Sarajevo, 19.12.2016. godine

Ministarstvo spoljne trgovine i ekonomskih odnosa Bosne i Hercegovine rješavajući po prigovoru broj: 3056/16 od 14.12.2016.godine, izjavljenom od strane ponuđača „MILKUS“ d.o.o. Pale, Preduzeće za proizvodnju, promet i usluge, Ljubogošta Pale, zastupanog po direktoru Milomiru Kusmuku, na osnovu člana 100. stav (3) Zakona o javnim nabavkama („Službeni glasnik BiH“ br. 39/14) u predmetu javne nabavke usluga prevoza zaposlenih donosi

ODLUKU

I

Usvaja se Prigovor firme „MILKUS“ d.o.o. Pale zaprimljen putem elektronske pošte, pod brojem 3056/16 od 14.12.2016.godine, na tendersku dokumentaciju broj 09-3-02-1560-1/16 od 09.12.2016.godine, za nabavku usluga prevoza zaposlenih.

II

Komisija za javne nabavke Ministarstva spoljne trgovine i ekonomskih odnosa Bosne i Hercegovine izvršice promjene u Tenderskoj dokumentaciji, koju će prosljediti svim ponuđačima koji su u roku preuzeli Tendersku dokumentaciju sa Portala javnih nabavki u postupku javne nabavke usluga prevoza zaposlenih.

**O b r a z l o ž e n j e**

Ministarstvo spoljne trgovine i ekonomskih odnosa Bosne i Hercegovine (u daljem tekstu: Ugovorni organ), u postupku javne nabavke prevoza zaposlenih, koji je sproveden putem Konkurentskog zahtjeva za dostavu ponuda, broj: 09-3-02-1560-1/16 od 09.12.2016. godine, je zaprimilo Prigovor na tendersku dokumentaciju firme Milkus d.o.o. Pale. 14.12.2016. godine, koji je u skladu sa članom 100. ZJN cijenila kao podnesenu žalbu na tendersku dokumentaciju, obzirom da bez obzira na naziv podnesenog pravnog lijeka, isti sadrži sve obavezne elemente žalbe, kako je propisano sa članom 99. ZJN.

Komisija za javne nabavke Ugovornog organa (u daljem tekstu: Komisija), koja je nadležna za postupke javnih nabavki Ugovornog organa, pripremila je Tendersku dokumentaciju za nabavku usluge prevoza zaposlenih broj 09-3-02-1560-1/16 od 09.12.2016.godine, a obavještenje o nabavci broj 673-7-2-23-3-13/16 objavila na Portalu javnih nabavki 09.12. 2016. godine.

Firma Milkus“d.o.o. Pale je navedenu tendersku dokumentaciju preuzela putem elektronske pošte na vlastiti zahtjev 13.12.2016. godine, nakon čega je na istu, uložila Prigovor.

Postupajući po žalbi Komisija je utvrdila da je ista dopuštena, blagovremena i izjavljena od strane ovlaštenog lica, te da su navodi istkanuti u istoj, osnovani.

U podnesenoj žalbi se navodi, da tekst poziva nije u skladu s odredbama Zakona o javnim nabavkama (u daljem tekstu ZJN) tj. da uslovi i kriteriji za učešće na javnom pozivu ograničavaju konkurenciju i daju povlašten položaj samo određenim ponuđačima. Također se ističe da je kriterij o posjedovanju dva autobusa sa ne manje od 52 sjedišta ograničavajući i da daje povlašteni položaj samo određenim ponuđačima, te da tehničke specifikacije moraju biti nediskriminatorne, s obzirom na dobavljače, te osigurati pravednu i aktivnu konkurenciju u skladu sa članom 22. ZJN. Nadalje, podnosilac žalbe se poziva na član 10. Pravilnika o uslovima i postupku izdavanja licence i kvalifikacijskih kartica vozača za obavljanje cestovnog prevoza („Službeni glasnik BiH“ br. 81/11), ističući da su istim jasno propisani uslovi koje prevoznik mora ispunjavati, od kojih je jedan od uslova, stalno zaposlen upravitelj prevoza.

Komisija je 16.12.2016. godine sačinila Izjašnjenje povodom navedenog prigovora tj. žalbe, u kojem je zaključila da su gore pomenuti navodi osnovani, te da je potrebno izvršiti izmjene i dopunu tenderske dokumentacije, na način opisan u Izjašnjenju, iz kojeg razloga je odlučeno kao u dispozitivu ove Odluke.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH u roku od pet dana od dana prijema Odluke, putem ovog Ugovornog organa.

**Prilozi:**

- Izmjena i dopuna TD

**Dostavljeno:**

- Milkus d.o.o Pale,
- svim učesnicima u postupku
- Komisiji za javne nabavke
- a/a



MINISTAR

Mirko Šarović